



Publicaziuns dalla vischnaunca, jamna 24

Resultats dallas votaziuns communalas dils 09-06-2024

Diember dils votants: 1451
Participaziun alla votaziun: 47.1%

Revisiun parziala dalla planisaziun locala concernent la zona dil spazi d'aua sco era las zonas da prighel Val Sogn Placi e Val da Cuoz

Dau giu cedels: 684
Cedels vits: 8
Cedels nunvaleivels: 7
Total cedels vits e nunvaleivels: 15
Cedels valeivels: 669

Gie: 498 (74%)

Na: 171 (26%)

Contract dil dretg dallas auas denter la vischnaunca e las Penticularas Mustér SA

Dau giu cedels: 679
Cedels vits: 3
Cedels nunvaleivels: 7
Total cedels vits e nunvaleivels: 10
Cedels valeivels: 669

Gie: 483 (72%)

Na: 186 (28%)

Dretg da recuors Sebasond sin art. 37 dalla lescha communal da davart ils dretgs politics sa vegnir recurriu encunter las votaziuns communalas dils 9 da zercladur 2024 enteifer 3 dis dapi ch'il motiv da recuors ei vegnius constataus, sil pli tard denton il tierz di suenten la publicaziun ufficiala dils resultats. Il recuors ei d'inoltrar alla suprastonza communal.

Suprastonza communal



Damondas da baghegiar

2024-1043.000

Datum dalla publicaziun: 14-6-2024

Patrun: David Huonder
Oberere Giesslistrasse 9, 7130 Ilanz
Representant: David Huonder
Obere Giesslistrasse 9, 7130 Ilanz
Intenziun: Midada d'intent el senn dil dretg funsil puril
Edifeci nr.: 630A
Parcella: 3283
Adressa: Via Cavorgia Sura
Zona: Zona agricola
Zona da prighel: Negina zona da prighel
Plan da quartier: Negin plan da quartier

2024-1046.000

Datum dalla publicaziun: 14-6-2024

Patrun: Edgar Durschei-Keller
Via Ansauna 2, 7186 Segnas
Representant: BeerBigliel
Via Alpsu 49, 7180 Disentis/Mustér
Intenziun: Niev stabiliment fotovoltaic vid la fatschada dil baghetg d'economia
Edifeci nr.: 327F-C
Parcella: 276
Adressa: Via Siut, 7186 Segnas
Zona: Zona agricola
Zona da prighel: Negina zona da prighel

2024-1047.000

Datum dalla publicaziun: 14-6-2024

Patrun: Sialm AG, sechentaria da carn
Via Foppas 28, 7186 Segnas
Representant: BeerBigliel SA
Via Alpsu 49, 7180 Disentis/Mustér
Intenziun: Niev indrez fotovoltaic vid la fatschada ost
Edifeci nr.: 337
Parcella: 100
Adressa: Via Foppas 28, 7186 Segnas
Zona: Zona dil vitg
Zona da prighel: Negina zona da prighel

2024-1048.000

Datum dalla publicaziun: Ils 14 da zercladur 2024

Patrun: Guido Flepp
Via Clavaniev 3, 7180 Disentis/Mustér
Representant: BeerBigliel SA
Via Alpsu 49, 7180 Disentis/Mustér
Intenziun: Stabiliment fotovoltaic vid la fatschada dil baghetg d'economia
Edifeci nr.: 232A
Parcella: 1426
Adressa: Via Clavaniev 7, 7180 Disentis/Mustér
Zona: Zona dil vitg
Zona da prighel: Zona blaua



2024-1051.000

Datum dalla publicaziun: 14-06-2024

Patruns: Sonia, Marco ed Eugen Pally
Via Luzzas 5, 7180 Disentis/Mustér
Representant: Carli ed Eugen Pally
Via Luzzas 5, 7180 Disentis/Mustér
Intenziun: Sanaziun dil tetg cun indrez fotovoltaic sil tetg
Edifeci nr.: 299 C
Parcella: 1324
Adressa: Via Luzzas 5, 7180 Disentis/Mustér
Zona: Zona dil vitg
Zona da prighel: Negina zona da prighel

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **gievgia, ils 20 da zercladur 2024**, allas **19.30** ella stanza da sedutas Cumiera sper la cafetaria el Center Fontauna.

Tractandas:

1. Elecziun d'in actuar dil di
2. Protocol 32-2021/2024
3. Transformaziun dallas structurass communalas:
Revisiun parziala dil regulativ per il persunal communal (messadi 54-2021/2024)
4. Plan da finanzas 2024-2033 (messadi 55-2021/2024)
5. Iniziativa pil scamond da fiugs artificialis:
Revisiun parziala dalla lescha davart ils dis da ruas publics (messadi 56-2021/2024)
6. Ura da damondas (conform ad art. 44 dil regulativ da fatschentass)

Il president dil cussegl da vischnaunca



Revisiun totala dalla planisaziun locala

Exposiziun publica da cooperaziun cun exposiziun da recuors concernent la determinaziun digl uaul

En applicaziun digl art. 13 dall'ordinaziun cantunala davart la planisaziun dil territori pil cantun Grischun (OPTGR) ha liug l'exposiziun publica da cooperaziun per ina revisiun totala dalla planisaziun locala dalla vischnaunca da Disentis/Mustér.

Il medem mument occuora en applicaziun digl art. 11 dalla lescha cantunala d'ual (LCG/KwaG) ed art. 13 al. 1 dalla lescha federala d'ual (WaG) l'exposiziun publica davart la determinaziun dil cunfin uaul, definida entras ils organs forestals cumpetents sco era ils cunfins d'ual enteifer il spazi dalla zona d'ual/digl uaul tenor la mesiraziun ufficiala.

Object: Revisiun totala dalla planisaziun locala «territori habitau e lescha da baghegiar»

Acts d'exposiziun:

- Lescha da baghegiar
- Plan da zonas e plan general da formaziun 1:2000 Acletta/Funs, Disentis/Mustér,
- Faltscharidas, Segnas, Buretsch, Peisel, Cuoz, Mumpé Medel, Clavaniev
- Plan da zonas e plan general da formaziun 1:2000 Disla, Cavardiras, Pardomat Dadens, Madernal, Mumpé Tujetsch

Annexa:

- Rapport da planisaziun

Termin da publicaziun per la revisiun dalla planisaziun locala: **60 dis** naven dils **21 da zercladur** entochen ils **20 d'uost 2024** Liug e temps d'exposiziun: **online www.mitwirken-disentis.ch** ni en casa communal, Via Cons 2, 7180 Disentis/Mustér (stanza nr. 01/ plaunterren), duront las uras da spurtegl

Propostas motivadas per midar ni completar ils mieds da planisaziun ein da far a scret entochen ils 20 d'uost 2024 sin www.mitwirken-disentis.ch ni a scret alla suprastanza communal, Via Cons 2, 7180 Disentis/ Mustér (datum dil bul postal).

Acts d'exposiziun concernent la determinaziun dil cunfin d'ual

Ils cunfins d'ual defini entras la mesiraziun ufficiala ein marcai specialmein els plans da zonas 1:2000.

Recuors encunter la determinaziun dil cunfin d'ual

Encunter la determinaziun dils cunfins d'ual defini els plans da zona sa vegnir recurriu duront 30 dis dapi l'exposiziun ufficiala a scret al Departament d'infrastructura, energia e mobilitad dil Grischun, Ringstrasse 10, 7001 Cuera. Senza far diever dalla pussevliadad da recuors entra la determinaziun dil cunfin d'ual en vigur legala.

Damondas en connex cun la determinaziun dil cunfin d'ual

En cass da damondas concernent la determinaziun dil cunfin d'ual stat igl uffeci d'ual e prighels dalla natira, Regiun Surselva, Via Crappa Grossa 14, 7130 Ilanz, telefon 081 257 64 15 a disposiziun.

Informaziun publica planisaziun locala

Venderdis, ils 21 da zercladur 2024 allas 20.00 ha liug en halla Cons in'informaziun publica, nua ch'ei vegn orientau davart ils cuntegns e la procedura dalla revisiun dalla planisaziun locala sco era la revisiun dalla lescha da baghegiar. Suenter l'occurrenza vegn purschiu a tuts participonts in aperitiv.



Audienzas concernent la planisaziun locala

En connex cun l'exposiziun da cooperaziun porscha la vischnaunca ensemen cun la planisadra uras d'audienza. A caschun da quellas uras d'audienza eis ei pusseivel da tschentar damondas specificas concernent igl agen schischom.

Gievgia, ils 27 da zercladur 2024, denter las 14.00 e las 20.00

Venderdis, ils 5 da fenadur 2024, denter las 14.00 e las 20.00

Venderdis, ils 9 d'uost 2024, denter las 14.00 e las 20.00

Per las audienzas eis ei da fixar silmeins treis dis ordavon in termin cun l'administraziun communal, **tel. 081 920 36 36**. Per mintga audienza ei reservau in temps da maximalmein 30 minutas. Ils termins vegnan fixai en successiun dall'annunzia.

Suprastonza communal

Revisiun totala dalla planisaziun locala – Orientaziun publica davart la procedura

La fasa da preparaziun dalla revisiun dalla planisaziun locala ei sesviluppada aschi lunsch, ch'ei sa vegnir continuau cun la procedura publica.

Igl'emprem pass entscheiva cun l'exposiziun da cooperaziun publica che cuoza naven dils 21 da zercladur entochen ils 23 d'uost 2024 (mira publicaziun separada). Cun quella caschun envida la suprastonza communal vischinas e vischins e tuttas personas interessadas ad ina sera d'orientaziun publica.

La sera d'informaziun ha liug venderdis, **ils 21 da zercladur 2024 allas 20.00** en halla Cons, Disentis/Mustér.

Suenter l'occurrenza vegn purschii a tuts participonts in aperitiv.

Suprastonza communal Disentis/Mustér

Meglieraziun Disentis/Mustér

Serrada dalla senda Acletta-Muntasch ed Acletta-S. Catrina

Muort las lavurs da construcziun dalla Via Acletta Petschna restan las sendas naven d'Acletta en direenziun Crest Muntatsch e S. Catrina e naven dil Crest Muntatsch enviars Acletta e naven da Sontga Catrina enviars Acletta serradas, naven dils 13 da matg entochen ils 22 da zercladur, mintgamai durent l'jamna per tut traffic. La fin d'jamna ed ils firaus ei il transit pusseivels, aschinavon che las lavurs da construcziun lubeschan quei. Il transit sil tschancun Muntatsch – S. Catrina resta era durent quei temps pusseivels.

Uffeci infrastruttura e baghegiar Disentis/Mustér

Via Caischavedra – impediments da traffic

Muort lavurs da manteniment vid la Via Caischavedra eis ei da quintar cun impediments da traffic naven da gliendisdis, ils 10 da zercladur 2024. Las lavurs cuozzan prevedentamein entochen ils 21 da zercladur 2024.

Per damondas urgentas eis ei da contactar suandonta numera da telefon 081 920 36 41.

Bien engraziament per la capientscha

Uffeci forestal Disentis/Mustér



Controlla da habitonts

Mortoris

Oscar Degonda-Cantieni, naschius ils 19 da settember 1941, morts ils 5 da zercladur 2024

Adolf Schmed-Lutz, naschius ils 12 da november 1944, morts ils 8 da zercladur 2024

Esther Lechmann-Senn, naschida ils 21 da zercladur 1938, morta ils 9 da zercladur 2024

Rui Miguel Fernandes Machado Rodrigues, naschius ils 14 da schaner 1978, morts ils 9 da zercladur 2024

Administraziun communal

Evang.-Ref. Kirchgemeinde Cadi

Suentermiezdi da cant cun Regina Wilms, **sonda, ils 15 da zercladur 2024** allas 14.00-17.00 el Center Aua Viva, Via Raveras 25, Disentis/Mustér

Singnachmittag mit Regina Wilms, **Samstag, 15. Juni 2024** von 14–17 Uhr im Begegnungszentrum Aua Viva, Via Raveras 25, Disentis/Mustér

Biblioteca populara Disentis/Mustér e contuorn

Preavis: Il Hobbit - Not Soliva presenta sia translaziun sursilvana dil cudisch « The Hobbit» da J.R.R. Tolkien **venderdis, ils 12 da fenadur 2024** allas 20.00.

Preziada clientella. Nus selegrein d'era astgar esser cheu per Vus duront las vacanzas da stad.

Naven da gliendisdis, ils 24-6-2024 entochen venderdis, ils 9-8-2024 ei nossa biblioteca mintgamai aviarta sco suonda:

gliendisdis e venderdis dallas 17.30 – 20.00.

Naven da gliendisdis, ils 12-8-2024 (entschatta dalla scola) ei la biblioteca puspei aviarta 4 gadas per jamna. Nus giavischein a Vus bialas vacanzas e selegrein sin Vossa viseta.

Il team dalla biblioteca

Liebe Leserinnen und Leser. Es freut uns, dass wir auch während der Sommerferien für Sie da sein dürfen. **Ab Montag, 24.6.2024 bis Freitag, 9.8.2024** ist unsere Bibliothek jeweils wie folgt geöffnet:

Montag und Freitag von 17.30 – 20.00 Uhr.

Ab Montag, 12.8.2024 (Schulbeginn) gelten wieder unsere üblichen Öffnungszeiten.

Wir wünschen Ihnen schöne Ferien und freuen uns auf Ihren Besuch.

Das Bibliotheksteam



Biblioteca e ludoteca

Star sur notg ed aunc bia auter

Dar giugs, leger, zambergiar e star da cumpignia cun il team dalla biblioteca e ludoteca.

Mesjamna, ils 10-07- 2024 allas 17.00 entochen **gievgia, ils 11-07-2024** allas 10.00 per affons dalla 1.- 6. classa.

Nus selegrein da ti' annunzia entochen ils **23-06-2024** sut www.bibliotecadisentis.ch

Il diember da participonts ei limitaus.

Gruppa da teater d'affons e giuvenils, Mustér

Presentaziun da nies niev teater «Nua ei igl ani d'aur?» en halla Cons a Mustér,

venderdis, ils 14-6-2024 allas 20.15

sonda, ils 15-6-2024 allas 20.15

dumengia, ils 16-6-2024 allas 17.00

cordial beinvegni e bien divertiment.

Invitaziun SENIORA-CA

Gievgia, ils 20 da zercladur 2024 allas 13:45 en PUNTREIS

Tema: Leo Tuor legia en special per nus senioras e seniors ord sias numerusas ovras. Prendei la caschun da vegnir e schei inspirar da maletgs e formulaziuns fascionontas.

Cordial beinvegni a tuttas e tuts!

team SENIORA-CA

Meisa da miezdi organisada da SENIORA-CA e PUNTREIS

Entschatta: allas 12.15 en l'Ustria PUNTREIS. Gentar cun treis tratgas inclusiv aua dalla spina ed 1 caffè. Annunzia entochen allas 9.00 dil di alla PUNTREIS (tel. 081 929 56 56).

La meisa da miezdi ei aviarta per mintgin/a.

Post d'informaziun SENIORA-CA
